



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Außlegung der Episteln vnd Euangelien: von Ostern bis  
auff das Aduent**

**Luther, Martin**

**Wittemberg, 1547**

**VD16 L 5614**

4 Christus zeiget seine hend vnd füsse/ den blöden vnd erschrockenen.

**urn:nbn:de:hbz:466:1-37032**

## Auslegung des Euangelijs

re / So hastu doch alhie sein Wort  
vnd warhaftig Zeugnis / welchem du  
mehr glauben solt / denn allen erschei-  
nungen. Und sole dafur kein heimliche  
offenbarung / Christi oder eines Engels  
vom Himmel begeren / Denn solche Kön-  
nen feilen vnd triegen / vnd sind nichts  
denn stumme Bilder / Aber hic hastu  
sein lebendige stimme vnd Wort / das  
er öffentlich für allen Jüngern redet /  
vnd sie straffer vmb solche gedancken /  
Damit wir wissen sollen / das er daran  
keinen gefallen hat.

**C**hristus ist  
ster durch  
eigen sei-  
ner Hände  
vnd Füsse. **H**errüder zeiget er eben das,  
Hselb auch / mit eusserlichen zeich-  
nen vnd werken / Lest es nicht  
bey den worten bleiben / damit er jre  
gedancken straffet / Sondern zeig jnen  
auch seine Hände vnd Füsse / dass sie se-  
hen vnd fühlen sollen / das ers selbs sey /  
Als wolte er hic mit sagen / Was wol-  
let ic noch an mir zweien / vnd mit  
ewern gedancken ein gespenst aus mir  
machen / Ir habe ja noch nie keinen  
Teufel oder Geist gegrissen / noch ge-  
sehen fleisch vnd blut haben / wie ich  
habe / Ob sie gleich zu weilen solche ges-  
talt an sich nemen / vnd die sinne bes-  
triegen.

Also gibt er jnen zu dem Wort  
auch ein stark gewis zeichen / vnd tro-  
stet sie mit der that / das sie ja sich  
für jm nicht fürchten sollen / Zeigt jnen /  
was er für sie gethan hat / Denn das ist  
je ein lieblich / trostlich vnd fröhlich Bil-  
de / dieses lieben Heilands Händ vnd  
Füsse sehen / die vmb meinen willen  
durchstochen / vnd damit auch meine  
Sünden ans Kreuz genagelt sind / Sol-  
ches weiset er mir zum warzeichen vnd  
zeugnis / das er für Mich gelidden /  
gecreuzigt vnd gestorben sey / vnd ja  
nicht denkt mit mir zu zürnen / vnd  
mich in die Helle zu stossen.

**D**enn dis heisst eigentlich / seine  
Wie Christ Händ vnd Füsse sehen / wenn ich solch  
sins vns sei durchs Wort vnd Glauben erkenne /  
ne Hände vnd Füsse zeigen / das / was er gethan hat / mir zu gut  
heil vnd trost geschehen ist. Da sehe ich  
je keinen Hencker / Tod noch Helle /  
Sondern eitel liebliche süsse Gnad / ges-  
gen allen armen betrübten / dafur ich  
mich nicht kan fürchten noch entsez-  
en / On allein / das solch werck gar zu

gros ist / das es das Herz nicht gning fa-  
ssen vnd begreissen kan. Also wil er vns  
beide / mit worten vnd werken / von der  
furcht frey machen / ob wir gleich erst-  
lich für jm erschrocken sind.

**D**agegen zeigt der Teufel endlich Des Teufel  
Hände  
vnd Füsse.  
auch seine Händ vnd Füse / ob er gleich vnd  
erstlich tröstet / Das sind die schenlich-  
en gewölichen klauen / des Zorns Got-  
tes vnd ewigen rods / Vnd kompt zu  
lezt mit eitel schrecken / morden vnd  
würgen / welches sind seine werck / die  
er von anfang gerban / Vnd kan dem  
herzen furhalten alle schreckliche Bild /  
Exempel vnd Historien / aller gewöli-  
chen Sünd / mord vnd straffe / die je  
geschehen / vnd wie viel vnd grosse Leut  
er je verführte / verblendet vnd in verda-  
mnis geworffen hat.

**W**o nu Christus also recht er Freunde vnd  
wunden / so  
wie der aus dem es  
Euangelist sagt / das sich die Jünger  
für freuden verwundern / vnd gleich si folge-  
noch nicht glauben können. Das ist  
auch ein selzamer Text / vnd wunderli-  
che rede / Zinor ist der Glaube verhin-  
dert durch die furcht vnd erschrocken  
gedancken / Ir hindert die freude / die  
nu viel grösser ist / denn zinor das schre-  
cken war / Und sind jetzt die Jünger  
der freuden so vol von dem schelten des  
Herrn / vnd zeigen seiner Hände vnd  
Füsse / das sie noch nicht glauben können.

**D**as ist auch der Christen anfech- Anfechtung  
des Glau-  
tung eine (danon zinor auch gesagt) bens von  
das die Gnade gar zu gross vnd herr-  
der größe  
der Gnades  
lich ist / wenn wir unsrer geringkeit Christi,  
vnd unverdugtigkeit gegen Christum an-  
sehen / vnd der trost so gar überchwel-  
glich / das unsre herzen viel zu eng  
sind / den selben zu fassen. Denn wer  
solt das hören ins therz fassen / das  
Christus sich selbs gegen unsr armes  
sündlichen Menschen / als einen solch-  
en freundlichen Heiland erzeigt / der  
mir alles was er gethan hat / auf ein  
mal zu eigen gibt / Nus doch das herz  
gleich für jm erschrecken / vnd denck-  
en / Meinetu auch das es war sey / das  
die Mäestet / so Himmel vnd Erden  
geschaffen / solt sich meines elends so  
hoch annehmen / vnd mich so gnedig-  
lich ansehen / der ich mich so hoch  
vnd